

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-339/24
Mostar, 20.06.2024. godine

IZVOD IZ ZAPISNIKA
sa dvanaeste (XII) redovne sjednice Skupštine
Hercegovačko-neretvanskog kantona

Sjednica je održana dana 20.06.2024. u sali Skupštine Hercegovačko-neretvanskog kantona u Mostaru s početkom rada u 12:00 sati.

Sjednicu je otvorio Džafer Alić predsjedavajući Skupštine Hercegovačko-neretvanskog kantona.

Prisutni: Džafer Alić, Damir Džeba, Daniel Babić, Slavko Bilić, Marija Bošković, Ivana Buntić-Jovanović, Josip Grbavac, Sadina Hejub, Salmir Kaplan, Zoran Krešić, Harun Kurtović, Ismet Lulić, Tomislav Martinović, Marija Matuško, Zoran Mikulić, Danijela Mišura, Iva Raguz, Vesna Saradžić, Oliver Soldo, Dragica Suša, Mirko Vasilj, Arman Zalihić, Nedžad Maksumić, Ivan Odak, Kemal Muratović, Zora Dujmović, Omer Hujdur, Irma Memidžan i Vesna Šunjić.

Odsutni: Nermin Vrtić

Konstatirano je da je na sjednici prisutno **29** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija, predstavnici sredstava javnog informisanja i predstavnici Kantonalnog javnog pravobranilaštva.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine:

1. Poslanička pitanja;
 2. Prijedlog programa rada Skupštine HNK za 2024. godinu;
 3. Izvještaj o radu Vlade HNK za 2023. godinu;
 4. Prijedlog Programa rada Vlade HNK za 2024. godinu;
 5. Odluka o usvajanju Izvještaja o radu Kantonalnog javnog pravobranilaštva za 2023. godinu;
 6. Informacija Ministarstva poljoprivrede, šumarstva i vodoprivrede o realiziranju potpisanih Ugovora o koncesijama iz oblasti vodoprivrede zaključno sa 31.12.2023. godine
- Otvorena je rasprava po prijedlogu dnevnog reda.

U raspravi nije nitko sudjelovao.

Obavljeno je glasanje po prijedlogu dnevnog reda sa 12. redovne sjednice Skupštine HNK.

Nakon glasanja konstatovano je da je dnevni red 12. redovne sjednice jednoglasno usvojen.

1. Poslanička pitanja

Zastupnik Omer Hujdur:

Poslanička inicijativa upućena Ministarstvu trgovine, turizma i zaštite okoliša HNK i Ministarstvu građenja i prostornog uređenja HNK:

Tražim da se obezbjeđe sredstva i osiguraju aktivnosti oko iznalaženja nove adekvatne lokacije koja bi zadovoljila potrebe regionalnog zbrinjavanja otpada u HNK.

Poslanik Damir Džeba:

Poslaničko pitanje upućeno Ministarstvu unutrašnjih poslova HNK:

Budući da Hercegovačko-neretvanski kanton ima Zakon o javnom redu i miru, u kojoj mjeri mi možemo u budućnosti sankcionirati neke stvari koje su unijele nemir u našem kantonu ili županiji odnosno remetili javni red i mir i spokojstvo građana.

Poslanica Dragica Suša:

Poslanička inicijativa upućena Vladi HNK:

Inicijativa za osnivanje agencije za EU fondove u HNK.

Poslanik Mirko Vasilj:

Poslaničko pitanje broj 1. upućeno Kolegiju Skupštine HNK:

Koji su pravni koraci poslovnici, statutarni ili neki drugi koje kao zastupnik trebam poduzeti vezano za podnesenu inicijativu na 11. redovnoj sjednici Skupštine HNK-a održanoj 7.5. a po pitanju zastupničke inicijative za sazivanjem tematske sjednice Skupštine HNK-a u mjesecu lipnju za koju je prikupljeno više od 1/3 potpisa izabranih zastupnika HNK-a. da napomenem predloženi dnevni red je bio akcijski plan i status preporuka na dan 31.5. za zatvaranje preporuka iz nalaza revizije ureda za reviziju institucija Federacije za SKB Mostar, ZZO HNK i Ministarstva finansija HNK i sa zahtjevom da točke dnevnog reda predstavljaju nadležne osobe ispred revidiranih institucija kao i preciziranim zahtjevom za dostavu materijala i informacija poslanicima o svakoj preporuci za ove 3 revidirane institucije.

Poslaničko pitanje broj 2. upućeno Ministarstvu poljoprivrede, šumarstva i vodoprivrede HNK:

Ima li Ministarstvo tačne podatke o broju poljoprivrednih proizvođača u HNK-u kao i količini proizvedene robe. Kakav je dobiveni efekt za uvođenje mjera poticanje proizvodnje jagode na otvorenom. Šta je s podupiranjem ženskog poduzetništva, odnosno žena u poljoprivredi i radi li se šta na planu uvođenja mjere osiguranje otkupa i minimalna otkupna cijena.

Poslanička inicijativa broj 1. upućena Ministarstvu prosvjete, nauke, kulture i sporta HNK:

Inicijativa za sufinansiranje dijela prijevoza srednjoškolskih učenika grada Čapljine koja svoja izabrana zanimanja pohađaju van grada jer ista u njihovom gradu ne postoje ili uopće ne postoje srednjoškolske ustanove po njihovom nastavnom planu i programu.

Poslanička inicijativa broj 2. upućena Ministarstvu zdravstva, rada i socijalne zaštite HNK:

Zahtjev je za analizu i informaciju prema Skupštini HNK provedenih očitavanja MR-a, CT-a i mamografija za period od 1.1 do 30.6. tekuće godine, za sve bolnice i domove zdravlja

u kantonu kao i analizom i informacijom o broju radiologa u istima kao i o kapacitetima uređaja u smislu mogućeg broja snimaka.

Poslanica Sadina Hejub:

Poslaničko pitanje upućeno Ministarstvu za pitanje boraca HNK:

Da li ministarstvo za pitanje boraca boraca HNK kontrolira utrošak dodijeljenih sredstava boračkim udruženjima.

Poslanica Vesna Šunjić:

Poslanička inicijativa broj 1. upućena Vladi HNK i Ministarstvu zdravstva, rada i socijalne zaštite HNK:

Pružanje podrške ravnateljici Doma zdravlja Mostar u realizaciji poslovnog plana centra za palijativnu skrb za kojim postoji opravdana potreba na području HNK.

Poslanička inicijativa broj 2. upućena Vladi HNK i Ministarstvu zdravstva, rada i socijalne zaštite HNK:

Inicijativa za provedbu analize finansijske izvodivosti zapošljavanja 5 fizioterapeuta u odjel kućne njege rehabilitacije palijativne zaštite DZ Mostar i tima za autizam koji se sastoji od defektologa, logopeda, neuropedijatra i psihologa koji bi pružao podršku djeci sa autizmom.

Poslaničko pitanje broj 1. upućeno Ministarstvu unutrašnjih poslova HNK:

U kojoj je fazi kriminalistička obrada na osnovu prijave gospodina Zvonimira Trlina koju je SIPA prosljedila MUP-u HNK-a na obradu krajem 2023 godine.

Poslaničko pitanje broj 2. upućeno Ministarstvu građenja i prostornog uređenja HNK:

Je li ikada provedeno zakonska procedura za prenamjenu poljoprivrednog zemljišta u građevinsko zemljište pri izgradnji džamije na lokaciji Donje selo Konjic. Je li poštovan zaštitni pojas uz željezničku prugu i pripadajuću električnu infrastrukturu i kada je općinsko vijeće donijelo odluku o izradi prostornog plana i odluku o usvajanju plana.

Poslanik Daniel Babić:

Poslanička inicijativa upućena Vladi HNK i Ministarstvu finansija HNK:

Inicijativa o izmjeni Zakona o porezu na promet nekretnina HNK.

Poslanik Ivan Odak:

Poslanička inicijativa broj upućena Vladi HNK i Ministarstvu unutrašnjih poslova HNK:

Tražim od vas da u što kraćem roku iznađete sredstva za stacionarni uređaj za mjerenje brzine koji je potrebno instalirati u naseljenom mjestu Potpolje, općina Čitluk na magistralnom pravcu Mostar-Čitluk-Ljubuški.

2. Prijedlog Programa rada Skupštine HNK za 2024. godinu

Obrazloženje je dao predsjedavajući Skupštine HNK Džafer Alić.

Otvorena je rasprava.

U raspravi su učestvovali: Marija Bošković, Vesna Šunjić, Zoran Krešić, i predsjedavajući Skupštine HNK Džafer Alić.

Ispred Komisije za utvrđivanje istovjetnosti tekstova na jezicima konstitutivnih naroda i informisanje Skupštine Hercegovačko-neretvanskog kantona obrazloženje je dala Marija Bošković, predsjednica istog:

Komisija nema primjedbi na današnje materijale upućene u Skupštinsku proceduru.

Poslanica Vesna Šunjić uložila je slijedeće amandmane:

Amandman 1.

U dio B. Analitičko – informativne aktivnosti, stavak 2. dodaje se tačka

(5) Skupština HNK će razmatrati Izvještaj o radu i poslovanju JP Park Prirode Hutovo Blato

Amandman 2.

U dio B. Analitičko – informativne aktivnosti, stavak 2. dodaje se tačka

(6) Skupština HNK će razmatrati Izvještaj o radu i poslovanju J.P.Park prirode Blidinje

Amandman 3.

U dio B. Analitičko – informativne aktivnosti, stav 2. dodaje se tačka

(7) Skupština HNK će razmatrati Izvještaj o radu i poslovanju J.P. "Šume Hercegovačko-neretvanske" d.o.o. Mostar

Amandman 4.

U dio B. Analitičko – informativne aktivnosti, stav 2. dodaje se tačka

(8) Skupština HNŽ/K će razmatrati Izvještaj o poslovanju Zavoda za javno zdravstvo HNK-a

Amandman 5.

U dio B. Analitičko – informativne aktivnosti, stav 2. dodaje se tačka

(9) Skupština HNŽ/K će razmatrati Izvještaj o radu i poslovanju Univerziteta Džemal Bijedić u Mostaru.

Amandman 6.

U dio B. Analitičko – informativne aktivnosti, stav 2. dodaje se tačka

(10) Skupština HNK će razmatrati Izvještaj o poslovanju Oopće bolnice Konjic

Amandman 7.

U dio B. Analitičko – informativne aktivnosti, stav 2. dodaje se tačka

(11) Skupština HNK će razmatrati Izvještaj o poslovanju Kantonalne bolnice Dr. Safet Mujić

Amandman 8.

U dio B. Analitičko – informativne aktivnosti, stav 2. dodaje se tačka

(12) Skupština HNK će razmatrati Izvještaj o poslovanju Hrvatskog narodnog kazališta Mostar

Amandman 9.

U dio B. Analitičko – informativne aktivnosti, stav 2. dodaje se tačka

(13) Skupština HNK će razmatrati Izvještaj o poslovanju Narodnog pozorišta Mostar

Amandman 10.

U dio B. Analitičko – informativne aktivnosti, stav 2. dodaje se tačka

(14) Skupština HNK će razmatrati Izvještaj o poslovanju Ju Dom Za Socijalno i Zdravstveno Zbrinjavanje Osoba S Invaliditetom i Drugih Osoba Stolac

Amandman 11.

U dio B. Analitičko – informativne aktivnosti, stav 2. dodaje se tačka

(15) Skupština HNK će razmatrati Izvještaj o poslovanju JU Veterinarski zavod HNK

Amandman 12.

U dio B. Analitičko – informativne aktivnosti, stav 2. dodaje se tačka

(16) Skupština HNK će razmatrati Izvještaj o poslovanju Sveučilišne kliničke bolnice Mostar

Amandman 13.

U dio Zakonodavne i normativne aktivnosti, stav 2. dodaje se tačka

(5) Skupština HNK će razmatrati Program razvoja zaštite i spašavanja ljudi i materijalnih dobara na području kantona

Amandman 14.

U dio B. Analitičko – informativne aktivnosti, stav 2. dodaje se tačka

(17) Skupština HNK će razmatrati Informaciju o stanju priprema za zaštitu i spašavanje ljudi i materijalnih dobara od prirodnih i drugih nesreća s mjerama za organiziranje, razvoj i jačanje civilne zaštite u Kantonu

Amandman 15.

U dio B. Analitičko – informativne aktivnosti, stav 2. dodaje se tačka

(18) Skupština HNK će razmatrati Informaciju o obavljenom inspekcijskom nadzoru u tijelima uprave i jedinicama lokalne samouprave za 2023.godinu

Amandman 16.

U dio B. Analitičko – informativne aktivnosti, stav 2. dodaje se tačka

(19) Skupština HNK će razmatrati Izvještaj o praćenju postupanja po preporukama iz Izvještaja o finansijskoj reviziji Ureda za reviziju institucija Federacije obuhvaćenih Planom revizija za 2024.godinu:

- Hercegovačko neretvanski kanton
- Javna ustanova Kantonalna bolnica Dr. Safet Mujić Mostar

Uslijedila je **pauza** od 5 minuta kako bi se Kolegij Skupštine HNK usuglasio oko predloženih amandmana zastupnice Vesne Šunjić.

Predsjedavajući Skupštine HNK Džafer Alić obavijestio je zastupnike da rukovodstvo Skupštine HNK razmotrilo uložene amandmane zastupnice Vesne Šunjić te da su određeni amandmani preoblikovani i prihvaćeni, a radi se o slijedećim amandmanima:

Amandman 1:

Skupština HNK će po izvješću o radu i poslovanju razmatrati izvješća: javno poduzeće Park prirode Hutovo blato, javno poduzeće Park prirode Blidinje, šume Hercegovačko neretvanske, univerzitet Džemal Bjedić, Hrvatsko narodno kazalište, narodno pozorište Mostar, dom za socijalno i zdravstveno zbrinjavanje osoba sa invaliditetom i drugih osoba Stolac i javna ustanova veterinarski zavod HNK.

Obavljeno je glasanje o navedenom amandmanu.

Nakon glasanja konstatirano je da je amandman sa 27 glasova „Za“ i 1 „Suzdržanim“ glasom prihvaćen.

Amandman 2:

Amandman vezan za zdravstvene ustanove gdje se u stavu 3. u analitičko informativnoj aktivnosti u tački 2. stav 3. kaže, izvještaji zdravstvenih ustanova i bolnica HNK koji u skladu sa zakonom aktom o osnivanju i drugim aktima imaju obavezu podnositi izvještaj Skupštini HNK, sveučilišna klinička bolnica Mostar, kantonalna bolnica Safet Mujić, opća bolnica Konjic i ZZO.

Obavljeno je glasanje o navedenom amandmanu.

Nakon glasanja konstatirano je da je amandman sa 27 glasova „Za“ i 1 „Suzdržanim“ glasom prihvaćen.

Amandman 3:

Skupština HNK će razmatrati program razvoja zaštite spašavanja ljudi i materijalnih dobara na području kantona i informaciju o stanju priprema za zaštitu i spašavanje ljudi i materijalnih dobara od prirodnih i drugih nesreća s mjerama za organiziranje razvoja i jačanje civilne zaštite u kantonu.

Obavljeno je glasanje o navedenom amandmanu.

Nakon glasanja konstatirano je da je amandman jednoglasno prihvaćen.

Obavljeno je glasanje o Prijedlogu Programa rada Skupštine HNK za 2024. godinu s prihvaćenim amandmanima.

Nakon glasanja konstatovano je da je Prijedlog Programa rada Skupštine HNK za 2024. godinu sa 24 glasa „Za“, 2 glasa „Protiv“ i 2 „Suzdržana“ glasa prihvaćen.

3. Izvještaj o radu Vlade HNK za 2023. godinu

Obrazloženje je dala Marija Buhač, predsjednica Vlade HNK.

Otvorena je rasprava.

U raspravi su sudjelovali: Vesna Šunjić, Zoran Krešić, Milenko Bevanda ministar zdravlja, rada i socijalne zaštite HNK, Adnan Velagić ministar nauke, znanosti, kulture i športa HNK, Marijo Marić ministar MUP, Emil Balavac ministar trgovine, turizma i zaštite okoliša HNK, Zanin Vejzović ministar privrede, Marija Buhač predsjednica Vlade HNK i Đuro Prkačin ministar za pitanje boraca HNK.

Nakon rasprave dredsjedavajući Skupštine HNK Džafer Alić predložio je slijedeći Zaključak:

1. Usvaja se izvještaj o radu Vlade HNK za 2023. godinu,
2. Izvještaj o radu iz tačke 1 Zaključka čini sastavni dio ovog Zaključka,
3. Zaključak stupa na snagu danom donošenja a objavit će se u Narodnim novinama

HNK.

Obavljeno je glasanje o navedenom Zaključku.

Nakon glasanja konstatirano je da sa 20 glasova „Za“, 5 glasova „Protiv“, i 2 „Suzdržana“ glasa navedeni Zaključak dobio potrebnu potrebnu većinu.

4. Prijedlog Programa rada Vlade HNK za 2024. godinu

Obrazloženje je dala Marija Buhač, predsjednica Vlade HNK.

Otvorena je rasprava.

U raspravi su učestvovali: Mirko Vasilj, Danijel Mišura, Daniel Babić, Vesna Šunjić, Salmir Kaplan i Tomislav Martinović.

Zastupnica Vesna Šunjić predložila je slijedeće amandmane:

Amandman 1:

U programu rada Vlade u dijelu Normativna djelatnost Ministarstva pravosuđa, uprave i lokalne samouprave dodaje se:

Prijedlog Zakon o izmjenama i dopunama Zakona o sudskim pristojbama

Nositelj izrade materijala: Ministarstvo pravosuđa, uprave i lokalne samouprave

Rok za izradu materijala: Treće tromjesečje 2024. godine

Tijelo koje razmatra: Vlada HNK

Tijelo koje donosi: Skupština HNK

Amandman 2:

U program rada Vlade u dijelu UPRAVA ZA CIVILNU ZAŠTITU I VATROGASTVO dodaje se:

Plan zaštite od prirodnih i drugih nesreća za područje kantona

Nositelj izrade materijala: Uprava za civilnu zaštitu i vatrogastvo

Rok za izradu materijala: četvrto tromjesečje 2024 godine

Tijelo koje razmatra i usvaja: Vlada HNK

Amandman 3:

U program rada Vlade u dijelu UPRAVA ZA CIVILNU ZAŠTITU I VATROGASTVO dodaje se:

Procjena ugroženosti od prirodnih i drugih nesreća u kantonu

Nositelj izrade materijala: Uprava za civilnu zaštitu i vatrogastvo

Rok za izradu materijala: treće tromjesečje 2024 godine

Tijelo koje razmatra i usvaja: Vlada HNK

Amandman 4:

U program rada Vlade u dijelu UPRAVA ZA CIVILNU ZAŠTITU I VATROGASTVO dodaje se:

Program razvoja zaštite i spašavanja ljudi i materijalnih dobara na području kantona

Nositelj izrade materijala: Uprava za civilnu zaštitu i vatrogastvo

Rok za izradu materijala: treće tromjesečje 2024. godine

Tijelo koje razmatra i usvaja: Vlada HNK

Tijelo koje usvaja: Skupština HNK

Amandman 5:

U program rada Vlade u dijelu Normativna djelatnost Ministarstvo zdravstva, rada i socijalne zaštite dodaje se:

Prijedlog Odluke o osnovama, kriterijima i mjerilima za sklapanje ugovora sa zdravstvenim ustanovama koje osiguravaju usluge zdravstvene zaštite, a financiraju se iz sredstava ZZO HNK

Nositelj izrade materijala: Ministarstvo zdravstva, rada i socijalne zaštite

Rok za izradu materijala: četvrto tromjesečje 2024. godine

Tijelo koje razmatra i usvaja: Vlada HNK

Amandman 6:

U program rada Vlade u dijelu Normativna djelatnost Ministarstvo zdravstva, rada i socijalne zaštite dodaje se:

Prijedlog Programa zdravstvene zaštite

Nositelj izrade materijala: Ministarstvo zdravstva, rada i socijalne zaštite na prijedlog Zavoda za javno zdravstvo HNK-a

Rok za izradu materijala: treće tromjesečje 2024. godine

Tijelo koje razmatra i usvaja: Vlada HNK

Amandman 7:

U program rada Vlade u dijelu Normativna djelatnost Ministarstvo zdravstva, rada i socijalne zaštite dodaje se:

Programa mjera zaštite koje se finansiraju iz sredstava kantonalnog ZZO-a.

Nositelji izrade materijala: Ministarstvo zdravstva, rada i socijalne skrbi i ZZO

Rok za izradu materijala: četvrto tromjesečje 2024. godine

Tijelo koje razmatra i usvaja: Vlada HNK

Usljedila je **pauza** od 15 minuta.

Nakon stanke predsjednica Vlade HNK Marija Buhač dala je obrazloženje o uložnim amandmanima na Program rada Vlade HNK za 2024. godinu u kojem je navela da su amandmani izanalizirani te kako je jedan dio amandmana već usvojen na Vladi kao što je procjena ugroženosti od prirodnih i drugih nesreća, plan zaštite od požara, plan aktivnosti zaštite od požara i tako dalje a jedan dio ovih prijedloga amadmana zaslužuje jednu posebnu pažnju i bit će razmotreni.

Predsjedavajući Skupštine HNK Džafer Alić predložio je na usvajanje Odluku o usvajanju Programa rada Vlade HNK za 2024. godinu.

1.Usvaja se Program rada Vlade HNK za 2024. godinu;

2.Program rada iz tačke 1. čini sastavni dio ovo Odluke;

3.Odluka stupa na snagu danom donošenja a objavit će se u Službenim novinama HNK.

Obavljeno je glasanje o Prijedlogu Programa rada Vlade HNK za 2024. godinu. Nakon glasanja konstatovano je da je sa 18 glasova „Za“, 1 glasom „Protiv“ i 5 „Suzdržanih“ glasova usvojen Program rada Vlade HNK za 2024. godinu.

5. Odluka o usvajanju Izvještaja o radu Kantonalnog javnog pravobranilaštva za 2023. godinu

Obrazloženje dao Vlado Bevanda županijski javni pravobranilac.

Otvorena je rasprava.

U raspravi su učestvovali: Omer Hujdur, Irma Mmemidžan, Harun Kurtović, Vesna Šunjić, Nedžad Maksumić, Tomislav Martinović, Vlado Bevanda županijski javni pravobranitelj, Goran Kranović ministar pravosuđa, uprave i lokalne samouprave HNŽ/K.

Predsjedavajući Skupštine HNK Džafer Alić predložio je Odluku o usvajanju izvještaja o radu Županijskog javnog pravobraniteljstva za 2023. godinu.

1. Usvaja se izvještaj o radu kantonalnog javnog pravobranilaštva za 2023. godinu

2. Izvještaj iz tačke 1. Odluke čini sastavni dio ove Odluke

3. Odluka stupa na snagu danom donošenja a objavit će se u Narodnim novinama

HNK.

Obavljeno je glasanje o navedenoj Odluci.

Nakon glasanja konstatovano je da je sa 19 glasova „Za“, 3 glasa „Protiv“ i 3 „Suzdržana“ glasa usvojena Odluka o usvajanju Izvještaja o radu Kantonalnog javnog pravobranilaštva za 2023. godinu.

6. Informacija Ministarstva poljoprivrede, šumarstva i vodoprivrede o realizaciji potpisanih Ugovora o koncesijama iz oblasti vodoprivrede zaključno sa 31.12.2023. godine

Obrazloženje je dao Mario Jurica ministar poljoprivrede, šumarstva i vodoprivrede HNK.

Otvorena je rasprava.

U raspravi nije nitko učestvovao.

Predsjedavajući Skupštine HNK Džafer Alić naveo je da se Informacija Ministarstva poljoprivrede, šumarstva i vodoprivrede o realizaciji potpisanih Ugovora o koncesijama iz oblasti vodoprivrede zaključno sa 31.12.2023. godine prima k znanju.

Sjednica je završila s radom u 17:30 sati.

PREDSJEDAVAJUĆI

Džafer Alić